

KJKP "RAD" d.o.o. SARAJEVO, ulica Paromlinska 57. (u daljem tekstu: "Naručilac"), koga zastupa direktorica Vera Arnautović, dipl. pravnik.

Broj rješenja: UF/I-889/01
Porezni broj: 01700105
Identifikacioni broj: 4200316890001
Transakcijski račun broj: 338-900-22080776-49 UniCredit banka d.d. Sarajevo

i

Agencija za zaštitu ljudi i imovine „INZA“ d.o.o. Sarajevo, ulica Vitomira Lukića br. 12 A, koga zastupa direktor Senid Osmanković (u daljem tekstu: Izvršilac).

Broj rješenja: 065-0-RegZ-18-001300
Identifikacioni PDV broj: 4201922590001
Transakcijski broj računa: 161- 000-011-023-0035 Raiffeisen Bank dd BiH

zaključili su:

U G O V O R

o vršenju usluga održavanja protivpožarnih aparata i opreme

PREDMET UGOVORA

Član 1.

Predmet ovog Ugovora je vršenje usluge održavanja protivpožarnih aparata i opreme, u skladu sa ponudom Izvršioca broj: 458-02-18 od 27.02.2018. godine koja je sastavni dio ovog Ugovora, prema Odluci o rezultatima okončanog postupka izbora najpovoljnijeg ponuđača za vršenje usluga broj: 05-03-04-3801/18 od 06.03.2018. godine, i na osnovu Okvirnog sporazuma od 23.04.2018. godine.

Član 2.

Izvršilac se obavezuje da će usluge koje su predmet Ugovora vršiti prema potrebama Naručioca i na osnovu njegove pismene narudžbe.

U narudžbi Naručilac je dužan navesti koju vrstu usluge traže od Izvršioca.

CIJENA

Član 3.

Izvršilac se obavezuje da će Naručiocu usluge iz predmeta Ugovora vršiti po cijenama iz Ponude broj: 458-2-18 od 27.02.2018. godine koje ukupno iznose 3.695,60 KM.

U cijenu nije uključen PDV.

Sastavni dio ugovora čini i specifikacija sa jedničnim cijenama.

ROK IZVRŠENJA USLUGA

Član 4.

Rok izvršenja usluga je 4 (četiri) dana po prijemu narudžbe.

NAČIN PLAĆANJA

Član 5.

Za izvršene usluge, koje su predmet Ugovora, Izvršilac će na osnovu narudžbe i radnog naloga koji je ovjeren od strane ovlaštenog predstavnika Naručioca ispostaviti Naručiocu fakturu. Izvršene usluge Naručilac će platiti na transakcijski račun Izvršioca u roku od 60 dana od dana fakturisanja.

OBAVEZE IZVRŠIOCA

Član 6.

Izvršilac se obavezuje da će usluge koje su predmet Ugovora vršiti kvalitetno i u dogovorenom roku.

U slučaju nekvalitetno izvršene usluge Naručilac ima pravo od Izvršioca zahtjevati da otkloni uočene nedostatke.

Reklamaciju na kvalitet izvršene usluge Naručilac saopštava Izvršiocu odmah, a najkasnije 7 (sedam) dana od dana preuzimanja izvršene usluge.

Član 7.

Rok za otklanjanje nedostataka je odmah, a najkasnije 3 dana od dana saopštavanja istih.

UGOVORNE KAZNE

Član 8.

U slučaju kašnjenja u obavljanju usluga, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručenih usluga, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluga koje su predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

GARANCIJA

Član 9.

Prodavac je obavezan dostaviti garanciju za dobro izvršenje posla 10 % vrijednosti ugovora. Rok za dostavljanje garancije je 7 (sedam) dana od dana potpisivanja Ugovora.

ANTI-KORUPCIONA KLAUZULA

Član 10.

(1) Ugovorne stranke se izričito obavezuju da će se u izvršavanju poslova po ovom ugovoru izričito suzdržati od bilo kakvih radnji koje bi imale znakove koruptivnog postupanja.

(2) Ugovorne strane se obavezuju da neće dati, obećati ili prihvatiti bilo kakav poklon ili isplatu u novcu ili nekom drugom vrijednom predmetu, posredno ili neposredno jedna drugoj, putem bilo kog službenika ili drugog zaposlenog u jednoj od ugovornih stranaka ili drugom preduzeću (službi, odjeljenju), odnosno bilo kog lica sa svrhom podmićivanja da bi tako naveli nekog službenika ili drugog zaposlenog ili stranku na zloupotrebu svog položaja

tako da bi time stekao, zadržao ili usmerio poslove ka naručiocu, zastupniku, distributeru, preduzeću ili drugom povezanom preduzeću.

(3) U slučaju izvršenja ili pokušaja izvršenja radnje iz prethodnog pasusa, već sklopljeni ili važeći ugovor je ništavan, a ako ugovor još nije važeći, računa se da ugovor nije ni bio sklopljen.

UGOVORNE ZABRANE

Član 11.

Prodavac nema pravo zapošljavati, u svrhu provedbe ugovora o javnoj nabavi, fizičke ili pravne osobe koje su sudjelovale u pripremi tenderske dokumentacije ili su bile u svojstvu člana ili stručne osobe koju je angažiralo povjerenstvo za nabave najmanje šest mjeseci po zaključenju ugovora, odnosno od početka realizacije ugovora.

OSTALE ODREDBE

Član 12.

Za sve eventualne sporove koje ugovorne strane ne budu mogle riješiti sporazumno nadležan je sud u Sarajevu.

Član 13.

Izmjene i dopune ovog Ugovora mogu se vršiti samo uz pismenu saglasnost ugovornih strana.

Član 14.

Sastavni dio ovog Ugovora je ponuda Izvršioca broj: 458-2-18 od 27.02.2018. godine.

Član 15.

Ugovor stupa na snagu danom potpisivanja i traje do 24.04.2021. godine.

ZAVRŠNE ODREDBE

Član 16.

Ugovor je sačinjen u 6 (šest) istovjetnih primjeraka i to 2 (dva) za Izvršioca , 4 (četiri) za Naručioca.

Agencija za zaštitu „INZA“ d.o.o. Sarajevo
Direktor

KJKP“RAD“ d.o.o. Sarajevo
Direktorica

Senid Osmanković, MA dipl.ing.maš.

Vera Arnautović, dipl. pravnik

Broj 05-03-04-_____/20
Dana, 27.04.2020. godine